

В Неделю по Преображении Господнем  
Собора преподобных отцев,  
на Валааме просиявших

На велицей вечерни

Блажен муж: кафисма вся. На Господи, возвах: стихирны воскресны 3, и праздника 3, и святых 4.

Стихирны святых, глас 8.

Подобен: О, преславнаго чудесе!

О, преславнаго чудесе! Андрей, апостолов Первозванный, на горах Валаама стояше иногда, землю сию Крестом благословляя и возсияти zde благодати Божией провещая. Ныне же сбытие пророчества зрим, собор святых Валаамских празднующе, в них бо благодать Господня воистину велия явися.

О, преславнаго чудесе! Посреде езера великаго град стоит святой, егоже солнце — Христос, егоже луна — Пресвятая Дева, егоже звезды — отцы преподобнии, в подвиге молитвенном просиявши, да вси, на светила чудная взирающе, путь к Небесам обретают.

О, преславнаго чудесе! На бесплодном камени сад дивный процветет, райския красоты исполненный; егоже Сергей и Герман насадиша, и отцы мнози слезами напоиша, Господня же благодать возрастит. Сего ради плодами его сладкими христиане изобильно насыщаются и Бога, дивнаго во святых Своих, прославляют.

О, чудотворцы Валаамстии славнии, кто воспоет достойно труды и подвиги ваша? Сергея и Германа житие сокровенное, Авраамия благочестие ревностное, Назария мудрость и милосердие, Германа апостольское проповедание, Антипы человеколюбие сострадательное, мучеников древних и новых терпение твердое? Молите, отцы святии, спаситися нам.

### Сла́ва, глас 4:

Сла́ва Твоя́, Христе́ Божэ́,/ возсия́ на гора́х Вала́ама,/ я́коже на Фаво́ре  
иногда́,/ днесь бо зрим ве́лий сонм святы́х,/ Свѣтом Невечѣрним па́че со́лнца  
блиста́ющих,/ и, видѣнию сему́ чуда́щися,/ стра́хом и ра́достью одержи́ми  
глаго́лем:/ Го́споди, добро́ есть нам зде бѣ́ти,/ моли́твами святы́х оте́ц на́ших/  
просвети́ и спаси́ ду́ши на́ша.

И ны́не, Богородичен догма́тик гласа.

Вход. Прокі́мен дне и чтѣ́ния преподобническая.

На литі́и стихі́ры пра́здника и преподо́бных Сѣ́ргия и Ге́рмана, глас 3:

Безнача́льнаго Свѣ́та,/ из тьмы́ свет дѣ́вный созда́вшаго/ и свѣ́том познѣ́ния  
Своего́/ просвети́вшаго ве́рных серде́ц,/ Человеколю́бца Христа́ возлюбѣ́вше,  
оте́цы Богому́дрии/ во свѣ́те Того́ повелѣ́ний до́бре ходи́ша/ и, от Него́ свѣ́том  
благодѣ́ти просвѣ́щшися,/ нам, со тьмо́ю страсте́й борю́щимся,/ свети́льницы  
яви́шася./ Ихже моли́твами, Светода́вче Го́споди,/ умы́ просвети́ и серде́ц на́ша  
очи́сти,/ я́ко Благоутро́бен.

### Сла́ва, святы́х, глас 7:

Манове́нием Ду́ха Святаго́/ ко острово́м Вала́амским пришлі́ есте́, оте́цы  
честни́и,/ да, ве́тхаго челове́ка совлѣ́кшися,/ во свѣ́тлость Христо́ву  
облече́теся./ И, жити́я жесто́каго не убо́явшися,/ вои́стину яви́лися есте́  
преподо́бных светоза́рный верх./ Те́мже Светопода́телю о нас моли́теся,/ да  
просвети́т Собо́ю ду́ши на́ша.

И ны́не, пра́здника.

На стихо́вне стихі́ры воскрѣ́сны гласа.

### Сла́ва, глас 6.

Подо́бен: Все отло́жше:

Жите́йскую пучи́ну преплы́вше,/ о́строва Вала́ама, я́ко пристѣ́ница  
спаси́тельнаго,/ дости́гли есте́, богоблаже́ннии оте́цы,/ и, красоту́ его́  
пусты́нную возлюбѣ́вше,/ в безмо́лвии зѣ́млю серде́ц возде́лали есте́/ и дѣ́вныя  
цвѣ́ты добродѣ́телей возра́стѣли есте́,/ небѣ́сными арома́ты благоуха́ющия./  
Те́мже лю́дие правосла́внии, я́ко пчѣ́лы му́дрыя,/ в та́йный ваш сад притека́ти

возлюбиша,/ ме́да духо́внаго и́щуще,/ ра́вно всем подава́емаго Бо́гом/ рука́ми ва́шими, отцы́ святы́и.

**И ны́не, пра́здника.**

**На благослове́нии хле́бов тропа́рь пра́здника два́жды, и святы́х еди́ножды.**

**Тропа́рь святы́х, глас 3:**

Днесь обите́ль Вала́амская/ на трапéзу духо́вную всех созыва́ет,/ соверша́ющи па́мять богонóсных отцев́,/ по́двиги ино́ческими ю украси́вших./ Стеце́мся, ве́рнии, преподо́бных собо́р восхва́лим/ и жити́ю их честнóму поревну́им,/ да прича́стницы Свёта Трисóлнечнаго яви́мся,/ пою́ще Отца́ и Сы́на, и Ду́ха Свята́го во ве́ки.

**На утрени**

**На Бог Господь: тропа́рь воскресе́н, два́жды. Сла́ва, святы́х. И ны́не, пра́здника. По стихослови́их седа́льны воскресе́ны гла́са с припе́вы и Богоро́дичны их.**

**Велича́ние святы́м:**

Велича́ем вас,/ вси святы́и, на Вала́аме просия́вшии,/ и чтим святу́ю па́мять ва́шу,/ вы бо мо́лите за нас/ Христа́ Бо́га на́шего.

**И́но велича́ние:**

Ублажа́ем вас,/ преподо́бнии отцы́ на́ши Вала́амстии,/ и чтим святу́ю па́мять ва́шу,/ наста́вницы мона́хов/ и собесе́дницы ангелов.

**Псалом избра́нный: Терпя́, потерпéх Го́спода, и внят ми:**

**По полиеле́и, ипакóй гла́са.**

**Сла́ва, седа́лен святы́х, глас 3:**

Днесь все отцев́ Вала́амских мно́жество, я́ко еди́неми усты́, моле́ние Трóице Святе́й прино́сит, глаго́ля: о, Всеще́дрый Царю́, низпосли́ бра́тиям на́шим, су́щим на земли́, благода́ть Твою́, да на по́двиги, любве́ ра́ди Твоея́, дерза́юще, бу́дут соль до́брая, мир от истле́ния храня́щая; вода́ жива́я, жа́жду духо́вную утоля́ющая; лучи́ пресветлы́я, ду́ши людскы́я просвеща́ющая; и та́ко жизнь ве́чную насле́дители сподо́бятся со все́ми святы́ми. Ами́нь.

**И ны́не, пра́здника.**

Евѡнгеліе, **воскрѣсно. Слѡва: Молїтвами апѡстолов: И нѣне: Молїтвами Богородицы: По 50-м псалме стихїра воскрѣсна.**

**Канѡн воскрѣсен на 4, прѡздника на 4 и святѣх на 6. Катавѡсія прѡздника.**

**Канѡн святѣх, глас 8.**

### **Песнь 1**

**Ирмос:** *Песнь възслем, людіе,/ чўдному Бѡгу нѡшему,/ свободївшему Изрѡїля от рабѡты,/ песнь побѣдную поюще и вопїюще,/ поїм, Тебѣ, Едїному Владѣце.*

**Припев:** Слѡва Тебѣ, Бѡже наш, слѡва Тебѣ.

Песнь хвалѣбную воспѣти нѣне сподѡби, Спасе, отцѣм нѡшим, о нїхже обїтель Валаѡмская духѡвне утвердїся и мїру свет бысть.

**Припев:** Все святїи Валаѡмстїи, молїте Бѡга о нас.

**Илї:** Преподѡбнии отцѣ наши, молїте Бѡга о нас.

Апѡстолов Первозвѡнный дрѣвле стопѡми своїми гѡры Валаѡмскїя освятїи, крест кѡменный воздвїг, проречѣ, яко їмать возсіяти zde благодѡть Госпѡдня.

Русї крѣщшейся, мрак нѡщи їдольскїя на свѣтлость дне преложїся. Тогда и ѡстров Валаѡм житїем їноческїм украсїся, Сѣргїю и Гѣрману досточўдным от стран востѡчных прїшедшїм.

**Слѡва:** Яко сѣмена дѡбрая явїлися естѣ, отцѣи и начѡльницы нѡши, Сѣргїе и Гѣрмане, вы бо, трудолюбне zde подвїзѡвшеся, сторїчний клас прозѡбли естѣ.

**И нѣне:** Невестоводїши ко Хрїстѣ полкї їноческїя, Богородице Дѣво, їже, Ты Взбрѡнную Воевѡду їмѡще, к подвїгом дерзѡют, Ты бо исперва сосѡд дѣвства Твоегѡ Бѡгу дар прїнеслѡ есї.

### **Песнь 3**

**Ирмос:** *Утверждѣй рукою Твоею, Слѡве Бѡжїй, Небесѡ/ просвещѣнием Твоегѡ їстиннаго познѡнїя,/ утвердїи нас, на Тя надѣющїхся сердѡцѡ.*

Израстї пустыня Валаѡмская цветнїк духѡвный, житїем пѡстнїческїм благоухѡяй. Прїидїте, боголюбцы, добрѡтою егѡ насладїмся и всѡкую печѡль мїрскѡю отрїнем.

Треволнения греховная подвиги многими обуздали есте, богоноснии отцы, и, на высоту безстрастия возшедше, Христа, яко бисер честный, обрели есте.

Житие ваше евангельское бысть веры правыя проповедание, имже уловлен, Авраамий доблий ризы иноческия прият и граду Ростову светило явися.

**Слава:** О, Валааме, коль красно десница Вышняго ты живописа! Ты сердце всякое на похваление Создателя движеши, лепотою своею бытие Божие возвещая.

**И ныне:** Тя, Пречистая Дево, смиренно молим: мятэж душ наших в тишину преложй и умныя очи просветй, да, созерцающе красоту Сына Твоего, не прилепимся сладостем мира сего.

**Кондак и йкос праздника.**

**Кондак святым, глас 7:**

На горах Валаама, отцы преблаженнии, вселилися есте,/ слово евангельское сердцы благими восприимше;/ молитвами, слезами и многими злостраданий/ усердно Христови сораспялися есте;/ сего ради, блистаньи Света Его озаряеми,/ светильницы миру явились есте, велегласно проповедающе,/ яко Сын Божий есть воистину Отчее сияние.

**Йкос:**

Востанем, молящися, братие, и узрим умными очесы лики отец наших, иже от лет древних и до ныне на месте сем святем трудолюбне подвизашася и обитель Валаамскую во славу Преображения Спасова создаша; души же своя благодатию Его во обители Света преобразиша, вся концы земли Русския и дальныя страны озаряюще и велегласно проповедающе, яко Сын Божий есть воистину Отчее сияние.

**Седален святым, глас 6:**

Славою земною возгнушавшися, страх Божий и память смертную стяжали есте, отцы богомудрии, темже, по вся дни и нощи слезы точаще и умно ко стопам Владыки припадающе, к неболезненному покою пришли есте. Молите о нас присно, честную память вашу светло совершающих.

**Слава, и ныне, праздника.**

#### Песнь 4

**Ирмос:** *Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отча/ и нашу нищету посети./ Тем с пророком Аввакумом зову Ти:/ силе Твоей слава, Человеколюбче.*

Целомудрия рачителей множество под кров обители Валаамския стекóшася, юже, яко лавру честную и великую, устроиша и образ совершеннаго жития иноческаго северным странам земли Русския показаша.

Имене Божия призыванием, слезами и потоми землю сию освятили есте, Корнилие, обители Палеостровския основателю, и Арсение, Коневецкому общему житию начальниче. Темже, яко отцы преподобныя, вас почитаем.

Святостию жития твоего удивил еси ангелы и человеки, отче Александре, в расселине скалы на острове пустынном подвизаяся. И ныне от нас духом не отступаеши, аще и на Свири тело твое нетленное почивает.

**Слава:** Восхвалим днесь, вернии, преподобных Савватия Соловецкаго и Евфросина Синеезерскаго, с ними же и Геннадия Новгородскаго, святителей украшение, и все отцев множество, где благочестно некогда поживших и обитель Валаамскую подвиги своими преславно украсивших.

**И ныне:** Яко Милостива, прими, Владычице, моления избранных Твоих, Афанасия, строителя Сяндемскаго, и Адриана Ондрусовскаго, днесь за обитель Валаамскую предстательствующих, яже их духовне породил.

#### Песнь 5

**Ирмос:** *Вскую мя отринул еси/ от лица Твоего, Свете Незаходимый,/ и покрыла мя есть чуждая тьма, окаяннаго,/ но обрати мя и к свету заповедей Твоих/ пути моя направи, молюся.*

Тленная на нетленная пременивше, не устрашились есте, отцы честнии, невидимых врагов борения, паче же видимых врагов дерзости твердостью исповедания праваго посрамили есте.

Иноверных злобу кротостию вашею посрамили есте, воины Христовы тридесять и три с Титом священным; и, якоже агнцы закланы бывше, победныя почести на Небесех восприяли есте.

**Источáют мóщи вáша, Сэргие и Гэрмане, богáтно исцелéния, áще и в скалэ глубóце крыемы находéния рáди иноплемéнных. Тэмже, к заступлéнию вáшему притекáюще, от бед многоразлíчных спасаéмся.**

**Слáва:** Гнев Бóжий бурею потопí нечестíвых у брегов Валаáмских иногда. Тэмже Магнус, свéйский краль, едín смёрти горькия избéгнув, покаяние обლობызá и мних наречéся.

**И нýне:** Рабý Твоя сохраняй, Богоневéсто, от всякаго зла и в вéре правей утверждай, Тя бо Столп Непоколебímый Цёркве íмамы.

### Песнь 6

**Ирмос:** *Бéздна грехóв и прегрешéний буря мя смущáет/ и во глубинý нýжднаго рéет мя отчáяния,/ но Твою крéпкую руку мне простри, яко Петрóви,/ о, Управителю, и спаси.*

**Егдá** Назáрий преподóбный жезл пáстырский на Валаáме прият, тогда обíтель от разорéния люóтерскаго возста́ви и ста́до íноческое па́ки собра́. Тэмже, яко вторýй основáтель Валаáмский прославля́ется.

**Шéствовати** путём отéческим наставля́л ес́и ча́да твоя́, óтче Назáрие, сам íнок совершён быв; и возрасти́л ес́и я, добродéтелями па́че лóч солнечных сияюща́я и вся земнýя концы́ просвещáющая.

**Научи́л** ес́и наро́ды алеутския сла́вити Истиннаго Бóга, óтче наш Гэрмане, благословéнием и молíтвами преподóбнаго Назáрия укрепля́емь, сегó рáди апóстол Амэри́ки наименова́лся ес́и.

**Слáва:** Устна́ми рáдости поём нýне краснýй ваш пра́здник, отцы́ святы́и. Вы же, любóвию бра́тскою двíжеми, рúце преподóбныя к Бóгу воздева́ти о нас не преста́йте и в час сýдный бóдите нам ходáтаи теплии.

**И нýне:** Ю́же íноческому сослóвию и всем христиáном Ма́терь дарова́л ес́и, приими́, Всеблагíй Царю́, со отцы́ на́шими Тебе́ молящóюся, и обíтель Валаáмскую утверди́, да вéрою и любóвию сла́вит Тя во вéки.

**Конда́к и íкос воскрэсен.**

### Песнь 7

**Ирмос:** *Отроцы Богочестивши в Вавилоне/ образу златому не поклонишася,/ но посреде печи огненныя, орошаеми,/ песнь воспеваху, глаголюще:/ превозносимый отцев и нас Боже, благословен еси.*

**Молитвы** непрестанныя и трезвения наставник премудрый был еси, отче Льве, Оптинская похвало, ты бо, на Валааме благоплодно пожив, иноки водами Духа напоил еси, яко струя источника Паисиева.

**Отца** и покровителя именует тя обитель Валаамская, святителю Игнатие, сию бо zelo возлюбил еси и, яко ангел Хранитель, ей явился еси, темже не претай моляся, да иноцы ея степенями духовными удобно к Небу восходят.

**Трудами** Дамаскина, игумена боголюбиваго, наздася обитель Валаамская, яко дивный и великий град, граждане в себе имея житием подвижническим украшенные и многим приходящим людем еже ко спасению помощь подающия.

**Слава:** Афонския горы доброе воспитание, Валаама присное радование ты еси, отче наш Антипо! Благодати бо старчества исполнен быв, души страждущия искусно целил еси. И ныне от мощей твоих нам врачевания милостивно подаеши.

**И ныне:** Хранит Пресвятая Дева обитель Свою и пестунствует иночествующих соборы, житие равноангельное провождати научаючи, в немже Арефа и Илия светло просиясте и Верхотурью светильницы явистесь.

### Песнь 8

**Ирмос:** *Разжгите печь седмерицею,/ дондеже до конца разгорится,/ мучитель рече халдеом,/ Ананию, Азарию и Мисаила, вложите я в ню,/ уже образу златому не поклонишася, но глаголаху:/ мы Бога имамы на Небесех,/ Емуже служим и поклоняемся во веки.*

**Иноцы** терпеливodusи, отцем древним подобницы! Вы любве ради Христовы плоти своя распясте, в годину же богоборческую на подвиги мученическия устремистесь и души своя за Христа положисте.



**Н**есть Бог, рѣша безумнии в сердцах своих. Вы же, отцы святии Иереміе, Андроніче и Сѣргіе, образ Христов в себѣ носяще, Сего явственне проповѣдали есте. Тѣмже, и убиѣни от нечестивых бывше, ныне живете на Небесѣх.

**Ю**доль земную прешѣдше, к неболезненному покою востекли есте, отцы наши Арѣфо и Патрікие, скорби бо многия и изгнание от беззаконных претерпѣсте, в работах тяжких труждающесе, обаче духом непоколебими пребысте.

**Б**лагословим Отца, и Сына, и Святаго Духа Господа.

**Трѳичен:** Славим Бога Истиннаго, якоже отцы нас научиша, и Сего Трѳицу быти исповѣдуем – рѣша богоотступником преподобнии Афанасій, Галактиѳн и Тавриѳн, и от них мученическую кончину приыша.

**И ныне:** Искѳпаеши слѣзы тѣплыя, Мѳти милосѣрдая, о всех заблудших чадах Твоих, яко жѣртву благовонную ко Престолу Вседержителю приносящи молитвы страсотѣрпец, иже за убивающих я моляхуся.

### **Песнь 9**

**Ирмос:** *Благословѣн Господь, Бог Израилев, / воздвигнувый рог спасѣния нам / в дому Давидове, ѳтрока Своего, / в нихже посети нас Восток с высоты / и направил ны есть на путь мѳра.*

**Лѣтнюю** пѳмѳть вѳшу совершающе днесь, отцы преподобнии, молим усѣрдно: подайте нам, немощным, от крѣпости вѳшея, да не похвалѣтелиѣ тѳчию, но пѳче подражателиѣ дел вѳших явѳмся.

**У**блажим ныне достѳйно вся отцы и брѳтию нѳшу, именѳемая и безымѣнныя, явлѣнныя и неявлѣнныя, благочѣстно zde пожившия и упокоѣния вѣчнаго со святѳми сподѳбившиися.

**П**равды Бѳжия алкасте, отцы достѳчѳднии, в подвизех терпяще, в гонѣнии не стужающе. Ныне же вси кѳпно пѳщи нетлѣнныя насыщѳаетея, любѳвию брѳтскою соединѳеми.

**Сла́ва:** Неизвѣдани пути́е Господни, и кто позна́ет та́йну дний грядúщих?  
Но ты, Вала́аме, храни́ ве́ру Правосла́вную, я́коже о́тцы тебе́ преда́ша, и свет  
ми́ру бу́ди.

**И ны́не:** Умолка́ет всякое уны́ние, и ра́достию сердца́ ве́рных исполня́ются,  
на о́браз Твой взира́ющих, Богоневѣсто, егóже Али́пий, ино́к освяще́нный,  
благоле́пне написа́.

**Свети́лен воскресе́н.**

**Сла́ва, глас 2:**

Но́щь греха́ отринувше, сы́нове дне яви́стеся, о́тцы́ честни́и. Те́мже в  
ра́дости неизрече́нной ны́не сла́ву Бо́жию на Небесе́х зрите́, Христа́  
славосло́вляще, призва́вшаго вас из тьмы в чу́дный Свой свет.

**И ны́не, праж́дника.**

**На хвалите́х стихи́ры воскресе́ны 4, и святы́х 4, со сла́вным.**

**Стихи́ры святы́х, глас 5.**

**Подóбен: Ра́дуйся:**

Ра́дуются Не́бо и земля́,/ ве́лий сонм о́тцев Валаамских зря́ще,/ в нёмже  
Сѣргий и Ге́рман, я́ко велия свети́ла сияют,/ с ними́же Новгоро́дстии  
святители́е Иоа́нн и Генна́дий величаются;/ Авраа́мий, Корни́лий и Арсе́ний/  
вкúпе со Алекса́ндром и Савва́тием прославля́ются;/ Афанásiй со Адриа́ном  
лику́ют све́тло/ и Евфроси́н чу́дный ублажа́ется./ Темже и мы Христу́  
благодарне возопи́м:/ сла́ва Тебе́, Бо́гу нашему́,/ показавшему нам Свет  
Безнача́льный.

Днесь оби́тель Вала́амская,/ я́ко ма́терь о ча́дех, веселится́,/ сыно́в своих  
глаша́ющи по имени́,/ и́же украси́ша ю́ све́тло/ и просла́виша до коне́ц земли́:/  
Наза́рия, игúмена боголюби́ваго,/ Иуве́налия и Ге́рмана, ева́нгельския  
проповѣдники́,/ Льва́, Игна́тия и Анти́пу,/ Илию́ и Арѣфу,/ и вся, по́двигом  
до́брым подвиза́вшияся,/ ны́не же торжествующия́ на Небесе́х ра́достне.

Любо́вию Христо́вою пленени́,/ се́тей ми́ра избе́гли есте́/ и ро́ждия до́брая  
оби́тели Вала́амския яви́лися есте́,/ Андрони́че, Иере́мие и Сѣргие/ со  
честны́ми Арѣфою и Патри́кием,/ вкúпе же и Таврио́н с Галактио́ном и

Афанásiем,/ вы бо, от богобóрцев изгнáние и мýки претерпéвше,/ вéры Правослáвныя íстиннии хранítелие/ и подóбницы отцém вáшим,/ Тítу, Гелáсию и инýм мнóгим, дрéвле пострада́вшим, бýли есте./ С нíмиже ныне прославляетея.

### Глас 8:

Приидíte, празднóлюбцев собóри,/ пéсненный лик составльше,/ ублажím отцы и настáвники нáша,/ вся святýя, на Валаáме просия́вшия,/ и к ним согласнó возопи́м:/ о, светíльницы пресвётлии,/ свет любви Бóжия мíру явля́ющии!/ О, дрúзи Христóви вёрнии,/ с Ним достóйно во вéки пребыва́ющии!/ Застúпницы бúдите вéрою вас призыва́ющим.

**Слáва, стихíра евангелская. И нýне:** Преблагословéнна еси́, Богородице Дево:

**Славослóвие вели́кое. И отпуст.**

### На Литургии

**Блажéнна глáса на 4, и прáздника песнь рядováя на 4, и святýх песнь 6-я на 4. Прокíмен, Апóстол, Аллилуáрий, Евангелие воскресны глáса. И святýм, прокíмен, глас 7: Честнá пред Гóсподем/ смерть преподóбных Егó. Апóстол к Галáтом, зачáло 213. Аллилу́иа, глас 6: Блажён муж, боя́йся Гóспода,/ в заповедех Егó восхóщет зелó. Евангелие от Матфе́а, зачáло 43 или́ от Лукí, зачáло 24. Причáстен: Хвалíte Гóспода с Небéс: И святýм: В пáмьть вéчную бúдет праведник:**

### Моли́тва

О, священный пóлче Небéснаго Царя́, дрúзи Христóви вёрнии, вси святíи, на Валаáме просия́вшии!

В свётлый день прáздника вáшего примíte сугубое похвалéние от нас, недостóйных чад, пáмьть вáшу любóвию чтúщих. Вы бо, мíра грехóвнаго отрékшеся, не зрели есте вспя́ть, но, я́ко óвцы незлóбивыя послушáние пáстырем духóвным творя́ще и на всякий час ли́ца слезáми покая́ния омы́вающе, всею крéпостию на служéние Бóгу простира́лися есте. Кто изрещí возмо́жет пóдвиги вáша, íхже во спасéние душí подъяли есте, пáче же

смиренномудрие, милосердие и ко Христу рачение непрестанное? Сего ради достойнии зрителие Света умнаго явистесь и усыновления божественнаго сподобистесь. И тако, светы вторыя бывше, людем, в ноци века сего странствующим, путевожди ко спасению и в скорбех житейских утешителие покажутся.

Темже и ныне, Престолу Божию предстояще, услышите моление нас, грешных, и низпослите нам силу от силы вашея работати Господеви со страхом и радостью, иноком уставы отеческия крепко хранити, пастырем стадо словесное добре соблюдать, всем же христианом в мире, любви и единомыслии жителствовати, да, в заповедех Божиих ходяще, воистину ученицы ваша и чада Отца Небеснаго будем, имя Его Святое на земли прославляюще; по кончине же сего жития в Царствие Святыя Троицы внидем и со всеми святыми сподобимся воспевати Отца и Сына и Святаго Духа в безконечныя веки. **Аминь.**

#### Собор преподобных отцев Валаамских:

**Сергий и Герман Валаамские, прпп.** (X, память 28 июня, 11 сентября)

**Авраамий Ростовский, архим., прп.** (XI, память 29 октября)

**Александр Свирский, игум., прп** (+ 1533, память 17 апреля, 30 августа)

34 преподобномученика: Тит, иером.; Тихон, схим.; Геласий, инок; Сергий, инок; Варлаам, инок; Савва, инок; Конон, инок; Сильвестр, инок; Киприан, инок; Пимен, инок; Иоанн, инок; Самон, инок; Иона, инок; Давид, инок; Корнилий, инок; Нифонт, инок; Афанасий, инок; Серапион, инок; Варлаам, инок; Афанасий, посл.; Антоний, посл.; Лука, посл.; Леонтий, посл.; Фома, посл.; Дионисий, посл.; Филипп, посл.; Игнатий, посл.; Василий, посл.; Пахомий, посл.; Василий, посл.; Феофил, посл.; Иоанн, посл.; Феодор, посл.; Иоанн, посл. (+ 1578, память 20 февраля)

**Назарий Валаамский, Саровский, игум., прп.** (+ 1809, память 23 февраля)

**Герман Аляскинский, монах, прп.** (+ 1836, память 27 июля, 13 декабря)

**Антипа Валаамский, Афонский, иеросхим., прп.** (+ 1882, память 10 января)

- Илия Верхотурский, схимон., прп. (+ 1900, память 30 ноября)
- Арефа Верхотурский, архим., прп. (+ 1903, память 15 мая)
- Андроник (Барсуков), иеродиак., прмч. (+ 1917, память 7 декабря)
- Сергий (Гальковский), иером., прмч. (+ 1917, память 7 декабря)
- Иеремия (Леонов), мон., прмч. (+ 1918, память 1 января)
- Арефа (Митренин), иером., прп., исп. (+ 1932, память 24 октября)
- Патрикий (Петров), иером., прп., исп. (+ 1933, память 11 марта)
- Афанасий (Егоров), игум., прмч. (+ 1937, память 7 августа)
- Таврион (Толоконцев), иером., прмч. (+ 1939, память 25 мая)
- Галактион (Урбанович-Новиков), иером., прмч. (+ 1937, память 19 декабря)